



CELEBRACIÓN EN OS COTOS

24-25 de decembro do 2024

DÍA DE NOITEBOA E DÍA DE NADAL



Os COTOS COA IGUALDADE VERDADEIRA DAS PERSOAS,
COS POBOS QUE SOFREN INXUSTIZA E ABANDONO,
COS REFUXIADOS E MARXINADOS DA SOCIEDADE,
COA NATUREZA MALTRATADA,
CON RESPONSABILIDADE COIDADORA ANTE A COVID-19
E SEMPRE SEMENTANDO PAZ



1.- ENCONTRO DA COMUNIDADE

(tod@s de pé)

@ monitor/a está na sé

SAÚDO DE BENVIDA

CANTO 🎵 *nº 1 (65) I mos compañeiros imos*

Celebrante:

Benvidos sexamos todos a esta celebración. Reunímonos para compartir en comunidade a nosa fe no nome do Pai e do Fillo e do Espírito Santo.

Estamos a celebrar a festa do Nadal. Xesús, un neno pequeno nace. Deus achégase e faise no medio de nós. Que máis se pode pedir?.

Deus non pode estar máis cerca, e por iso nós facemos festa.

Hoxe queremos sentir a ledicia de quen nace, queremos compartir a solidariedade de quen acolle, queremos vivir nas mans do SALVADOR que se fai á nosa beira.

Deixemos a un lado o que tantas veces nos afoga e nazamos a un novo vivir, porque é certo XESÚS NACE AQUI NA PARROQUIA, AQUÍ NOS COTOS, AQUÍ EN CADA UN DE NÓS, AQUÍ NA COMUNIDADE

PROCLAMACIÓN DO GLORIA

TODOS: *GLORIA AO SEÑOR NAS ALTURAS*
E NA TERRA PAZ

OU CANTO 🎵 n° 3 (66) *Gloria ao Señor nas alturas*

Cantémoslle cos anxos, cos pastores,
cantemos con María e con Xosé,
a gloria e a paz que nace en Belén.

TODOS: *GLORIA AO SEÑOR NAS ALTURAS*
E NA TERRA PAZ

Cantémoslle cos pobres e cos pequenos,
a quen Deus lles procura tanto ben,
a gloria e a paz que nace en Belén.

TODOS: *GLORIA AO SEÑOR NAS ALTURAS*
E NA TERRA PAZ

Cantémoslle ao Deus que nos visita,
que mostra na humildade o seu poder,
a gloria e a paz que nace en Belén.

TODOS: *GLORIA AO SEÑOR NAS ALTURAS*
E NA TERRA PAZ

ORACIÓN PROPIA DO DÍA

Celebrante: *Rematamos esta primeira parte da celebración presentando a Deus a nosa ledicia e os nosos bos desexos neste Nadal.*

(silenzo)

Celebrante:

Deus, noso Pai, ti creaches ás persoas dun xeito admirable e renováchesnos dun xeito aínda máis admirable, enchéndonos do teu amor.

Fainos participar na divindade do teu Fillo, que **nacéndonos nas mans** toma parte na nosa humanidade.

Pedímoscho polo mesmo Xesús, a quen hoxe proclamamos coma o **nacido á nosa beira**, e que contigo vive e reina por sempre eternamente. Amén

2.- PROCLAMACIÓN DA PALABRA DE DEUS

(sentad@s) a palabra de Deus proclámase dende o ambón

Celebrante: *Deixamos xa atrás o camiño do advento, porque a Palavra de Deus que agora proclamamos fálanos do Nadal.*

Hoxe xa é día de Noiteboa, xa é día de NADAL.
Xesús, un neno pequeno nace. Deus achégase e faise no medio de nós. Que máis se pode pedir?.

Facemos festa porque co neno Xesús no Belén queremos sentir a ledicia de quen nace, queremos compartir a solidariedade de quen acolle, queremos vivir nas mans do SALVADOR que se fai á nosa beira.

É certo XESÚS NACE AQUI na parroquia, aquí en Os Cotos, aquí en cada un de nós, aquí na comunidade.

No Leccionario I – C páxina 25 Is 52, 7-10 LECTURA

PROCLAMACIÓN DA PALABRA RECOLLIDA NA PROFECÍA DE ISAÍAS

¡Que fermosos son sobre os montes os pés do mensaxeiro de boas novas, que anuncia a fartura, que proclama a felicidade, que pregoa a salvación, que di: Sión, o teu Deus reina!.

¡Un grito! Os teus vixías levantan a voz, berran xubilosos a un tempo:

"Todos os ollos contemplarán a volta do Señor a Sión".

Berrade a coro con xúbilo, ruínas de Xerusalén, que o Señor consolou o seu pobo, redimiu Xerusalén.

O Señor remangou o seu brazo santo aos ollos de todos os pobos, e todos os confíns da terra viron a salvación do noso Deus.

Palabra do Señor

🎵 (7) 68 Con un sombreiro de palla SALMO

(en pé) Leccionario II B páx 24 Lc 2, 1-14 EVANXEO

PROCLAMACIÓN DO SANTO EVANXEO SEGUNDO LUCAS

Saíu daquela un decreto do emperador Augusto, ordenando o empadramento de todo o mundo. Foi o primeiro censo que se fixo; por entón era Quirino gobernador de Siria. E todos, en cadansúa cidade, fóronse empadroar.

Tamén subiu Xosé desde Galilea, da vila de Nazaret, ata Xudea, á vila de David chamada Belén, pois pertencía á casa e familia de David, para empadroarse con María, a súa muller, que estaba embarazada. E resultou que, estando alí, chegoulle o tempo do parto, e deu á luz o seu fillo primoxénito. Envolveuno nuns capizos e deitouno nunha manxadoira, na corte das bestas, porque dentro da pousada non había lugar para eles.

Había naquela comarca uns pastores que pasaban a noite ao descuberto vixiando o seu rabaño. Presentóuselles un anxo do Señor, e a gloria do Señor rodeounos co seu resplandor. Eles levaron un gran susto. Pero o anxo díxolles:

- Non vos asustedes, que vos veño anunciar unha boa nova: vai haber unha gran alegría para todo o pobo. Hoxe na vila de David naceuvos un Salvador, o Mesías, Señor. Este é o sinal: atoparedes unha criatura envurullada e deitada nunha manxadoira, nunha corte.

E, de súpeto, arredor do anxo apareceu unha multitude celestial, que louvaba a Deus dicindo:

- ¡Gloria a Deus no ceo e na terra paz ás xentes que gozan do seu amor!

Palabra do Señor

(sentad@s) gardamos uns instantes de silencio para acoller a palabra no corazón



Bo Nadal



(en pé) PROFESIÓN DA FE

Celebrante: *Neste encontro parroquial, sabendo que Deus nace no medio de nós, con ledicia, damos razón da nosa fe diante dos demais dicindo:*

♪ *Creo, Señor, pero aumenta a miña fe*

Monitor/a

*Credes en Deus Pai,
que acompaña os nosos camiños da vida
naquel cortello de Belén, nos escombros de Palestina
e en tantas e tantas vidas rotas sen paz?*

Creo, Señor, pero aumenta a miña fe

*Credes en Xesús,
que se achega a todos nós
e nace pobre e no medio dos pobres?*

Creo, Señor, pero aumenta a miña fe

*Credes no Espírito de Deus
que nos alenta a compartir coa ilusión do Nadal?*

Creo, Señor, pero aumenta a miña fe

*Credes na igrexa,
comunidade que quere medrar acollendo a Xesús
que se fai no medio dos refuxiados
e empobrecidos desta terra?*

Creo, Señor, pero aumenta a miña fe

ORACIÓN UNIVERSAL

Celebrante: *Imos agora rezar a Deus, porque queremos ser unha comunidade ilusionada e agradecida polo nacemento de Xesús. Dicimos:*

GRAZAS POLO TEU FILLO, SEÑOR

Monitor/a

✓ Todos queremos acoller o cariño de Deus que se nos mostra humilde e forte en Belén. Queremos andar sempre polos seus camiños de paz. Por iso dicimos

✓ Todos queremos acoller nas mans ao Deus que comparte con nós. Queremos tamén achegarnos aos que precisan da nosa dignidade e respecto. Por iso dicimos

✓ Todos queremos acoller contentos ao Deus que nos visita na vida dos refuxiados e dos pobres. Queremos agradecer a todos cantos con diálogo se achegan aos máis necesitados para escoitar. Por iso dicimos

✓ Todas as comunidades queremos acoller e facer noso o misterio do Nadal. Queremos agradecer o poder ser hoxe cristiáns, non de rutinas e si de compromisos pola xustiza e a paz. Por iso dicimos

Celebrante: *Señor, acolle as nosas vidas, os nosos bos desexos destes días de Nadal, e que os demais atopen sempre en nós ilusión e paz. Por Xesucristo noso Señor. Amén.*

3.- OS SIGNOS DA COMUNIÓN CON DEUS E COA COMUNIDADE

NOSO PAI

Celebrante: *Deus xa non pode estar máis cerca, está en ti, en min, en nós, e xuntos, con Xesús nas nosas mans feito NADAL rezamos confiados dicindo:*

NOSO PAI ...



SIGNO DA PAZ

Celebrante: *As nosas mans abertas expresan a nosa vontade de ser acolledores e solidarios para non virarlle as costas ao pobre; con estas mesmas mans queremos ser exemplo de PAZ. E nestas mesmas mans póusase Xesús porque é NADAL. Deámonos a paz.*

🎵 **nº 36 Fagamos a paz irmáns**

COMUÑÓN

Celebrante: *Esta é a mesa do compartir todo o que Deus nos agasalla. Hoxe é unha mesa que nos fai partícipes do Salvador que nace no medio de nós para darnos vida. Ditosos nós convidados a compartir esta festa do Nadal do Señor.*

Señor, eu non son merecente de que entres no meu fogar, mais unha palabra túa abonda para me salvar

CANTO nº 1 (65) 🎵 Imos compañeiros imos

4.- AVISOS E DESPEDIDA

ORACIÓN FINAL

Celebrante: Deus de misericordia, o Salvador do mundo, ao nacer hoxe, fíxonos nacer a unha vida nova. Que el nos conceda tamén o don de sentilo á nosa beira, e así teñamos parte no seu Reino de paz. Pedímoscho a Ti que vives e reinas por sempre eternamente. Amén

*Acollemos a Xesús coma o Salvador nacido no medio de nós. Agora dende o sitio onde estamos ou achegándonos ao Belén (se somos poucos) **cantamos nº 4 (72) Durme meniño (ou calquera outra panxoliña)***

*Coa Encarnación do seu Fillo, Deus iluminou este Nadal. Coa súa bondade infinita encha os nosos corazóns de amor e de paz. **Amén***

*El anuncioulle aos pastores o gozo inmenso do nacemento salvador do seu Fillo. Que El encha os nosos corazóns coa súa alegría e nos faga mensaxeiros do evanxeo. **Amén***

*E polo Nadal do seu Fillo, Deus Pai uniu a terra co ceo. Que El nos faga merecentes aquí do seu amor, e no ceo da súa vida sen fin. **Amén***

Este pasado domingo no concerto de panxoliñas que houbo en Os Cotos recaudouse 640 euros para Cáritas Interparroquial. Só podemos dicir GRAZAS.

Avísase das misas (ver folla do mes)

**Que teñamos un BO NADAL,
e o Señor nos bendiga,† nos garde de todo mal
e nos leve ao seu fogar de vida eterna. Amén**

Podémonos ir en paz. Amén

